

a' a nderojë me sa i mundet, dhe i vjen keq kur shëkon se mjetet nuk e lejojnë që t' a kënaqë : më tepër.

Një natë n' Ungrej kam vizituar një shtëpi përdheshë, gjendja e së cilës te këpute zemrën. Kemi ndenjur rreth zjarit që ish në mes të dhomës, tymi i pishës dhe i zjarit na mbynte, kafe s' kishin se ishin të vobektë pa e ndjenin këtë gjë dhe u vinte keq, mirpo të gjitha këto të metat s' humpnin vlefshën e hospitalitetit. Plaka e shtëpisë më nxjer një molë nga sëndyqi dhe m' a jep dyke më thënë këto fjalë: "Na këtë mollë, se s' kam gjë tjetër me të dhënë."

Rëndësia që Mirdita i ep mikut provohet nga fakti se gjaku i tij kurrë nuk paguhet edhe pajtimi nuk bëhet prej Zabimames, po lihet në dorën e burrit që priti mikun dhe ajo shtëpi nuk ka larë çderimin që i është bërë gjer sa nuk kanë marë hakun e saj.

---